

Broj: 04-02/2-1129/23 SS  
Sarajevo, 23.03.2023. godine

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
Kabinet sekretara/Ured tajnika  
n/r g-din Ivan Miličević, tajnik**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primijeno: 24-03-2023			
Org. jed.	Broj	Priloga	Vrijednost
05/1	- 02 -	83	/23

**Predmet:** Odgovor na zastupnička pitanja koje je postavila zastupnica Edita Mazić,  
**dostavlja se**

**Veza:** Vaš akt broj:05/1-02-83/23 od 15.03.2023. godine

Poštovani,

U vezi Vašeg akta broj i datum veze, koji ste uputili Vladi Federacije BiH, a koje je ista prosljedila ovom Ministarstvu, radi davanja odgovora, a odnosi se na zastupnička pitanja koje je na 2. redovnoj sjednici Zastupničkog doma Parlamenta Federacije BiH, održanoj 15.03.2023. godine, postavila zastupnica Edita Mazić, koja glase:

...„Zašto se ne poštuje zakonski rok za rješavanje zahtjeva za penzije i da li postoje mjere nadzora nad istim?“

Koliko građana u Federaciji čeka rješenje za ostvarivanje prava na penziju, te da mi se dostavi tačan datum podnošenja tog zahtjeva za svakog osiguranika koji čeka duže od propisanog roka sukladno Zakonu o upravnom postupku?“...

Na postavljena zastupnička pitanja dajemo sljedeći odgovor:

Federalno ministarstvo rada i socijalne politike u posljednjem periodu provodi pojačane aktivnosti nadzora nad Federalnim zavodom za penzijsko i invalidsko osiguranje, upravo s ciljem poštivanja propisanih rokova za upravno rješavanje.

U tom smislu, ovo Ministarstvo kontinuirano po zahtjevima stranaka vrši intervencije koje u najvećem broju slučajeva rezultiraju pozitivnim ishodom.

Nadalje, u skladu sa Planom nadzora Fz PIO za 2022. godinu, ovo Ministarstvo je obavljalo nadzor nad radom Fz PIO. Upoznajemo kako je sagledan proces rada od ulaza predmeta pa do njegovog okončanja sa akcentom na rad internih kontrola. Manji dio propusta uočen je u dijelu koji se odnosi na trajanje postupka, na koji se često ne može utjecati, odnosno koji se ne može staviti kao propust službi, budući da je najčešće riječ o postupcima oko srazmjerne penzije sa inostranstvom gdje nema mogućnosti utjecaja na brzinu rada inostranog nosioca, kao i predmete koji imaju neko sporno prethodno pitanje izvan okvira nadležnosti Fz PIO npr. neplaćeni doprinosi za PIO.

Također, o poduzetim aktivnostima uvijek i detaljno smo informisali Ured za reviziju institucija F BiH, te im prezentovali odgovarajuće materijalne dokaze, koji je u okviru svoga nadzora odnosno vršenja revizije dao odgovarajuće preporuke Fz PIO.

Konačno, upoznajemo da se nadzor najvećim dijelom vrši kroz akte upućene Fz PIO, kojim se traže informacije o stanju konkretnog predmeta fizičkog ili pravnog lica, kojim se traži poduzimanje aktivnosti na radu u konkretnom predmetu, daju upute ili mišljenja u vezi provedbe zakona, zatim ukazuje na stav ministarstva po konkretnom pitanju, ili na odluke viših nivoa koji se tiču i odnose na Fz PIO.

S poštovanjem,



Co. Vlada Federacije BiH  
na broj:03-04-320-7/23